

Gudib

perkojangit tellimaujortut.

Ajochertutsit

pijarialiksuit tellimat.

Bautzen,

gedruckt bei E. M. Mause,

1865.

Ajochertütsit,
pijarialiksuit sivorlingit.

**Gudib perkojanginnik heiligenik telli-
maujortunnik.**

Perkojak 1 kannok illingava?

**Uvanga Nalegauvunga Gudit, sennipkut as-
simnik Gudekartuksaungilatit.**

Kannok tukkelik?

**Assinginnit tamainit Gude sivuragijáksariner-
sarivavut, nagliginersarilugolo, tettituarilugolo.**

Perkojab 2 inga kannok illingava?

**Innungoarmik adsingoarmiglonët sennajuk-
saungilatit pivlutit, takpäne killangmëtub adsin-
ganiglonët, killaub attänëtub nuname, adsinga-
niglonët. Taimaitut tuksiarvigijáksaringilettit,
kivgartornagillo. Uvanga Nalegaujunga Gudit,
illungertudlarlunga Gudeogama, pitlarnikteõ-
junga atätet uvamnik omisuktut idluitulliningin-
nik kittornganginne ernerët kingorlingita pinga-
jungit sittámangillonët tikkilugit. Uvamnigle
opigosuklut, perkojamniglo naletsartut, napki-
givakka ernerët kingorlingit, tausendeokattartut
tikkilugit.**

Kannok tukkelik?

Gude sivuragijáksarivavut nagligilugolo Gudingoarmiksennakonnata, sumiglonēt Gudib okausingita perkojangita assinginnik opigosuktuksaungilagut. Gude annerneongmet, tuksiartingitalo annernerme miksekärnermelo tuksiarvigijáksarivāt.

Perkojæk 3 ingat kannok illingava?

Nalekab Gudivit attinganik attornerluktuk-saungilatit, Nalekab pitlartailiniængimago attinganik attornerluktok.

Kannok tukkelik?

Gude sivuragijáksarivavut nagligilugolo, tap-soma attinga attorlugo okauselukonnata ēlisēniarkonnatolo, sæglokitsikonnatalo, terliarsikonnatalo; Gudemut kappianartolingne tamaine nipliajuksauvogut, tuksiarvigilugolo, nertorlugolo kujagilugo pijuksauvogut.

Perkojet 4 inget kannok illingava?

Sabbatib uvlunga erkaruk, ivlerijaukovlugo illingnut. Uvlut 6 it kingorlerēklutik sennajuksauvotit, sullijæksettillo tamaiṭa pinniarlugit. Uv-lulle 7 ingane Nalekab Gudivit Sabbatinga nelli-utivok. Tagva suniglonēt sennajuksaungilatit, ernīllonēt, pannīllonēt, kivgellonēt angut, kivgellonēt arnak, nergjutekottitīllonēt, illagingitel-lonēt najugarnētok. Uv-lunne 6 inne Nalekab killak, nunnalo, immarbiglo, illunaitalo immab illuanētut, sennalaungmagit, uvlullo 7 ingane merngoērserlaukpok. Tamanna pivlugo Nale-

kab Sabbath uvlunga saimarneliotipa, ivsor-naitilälo.

Kannok tukkelik?

Gude sivuragijáksarivavut nagligilugolo, Sabbathe Nalekab uvlungatut ivleritsiarlugo, okalungnerlo Gudiblo okausingit kammaginginagit, tamakkoale ivlerilugit, opigosumullo tussaromadlarlugit illiniarlugillo pijuksauvogut.

Perkojet 5 inget kannok illingava?

Atängnik anänangniglo nalektuksauvotit, akkünērtomik innuniarkovlutit nunamē Nalekab Gudit tunnilauktanganē illingnut.

Kannok tukkelik?

Gude sivuragijáksarivut nagligolugolo, atā-taptingnik, anānaptिंगniglo, angajokaptingniglo nachokonnata ningartínagillonēt, opigilugille, kivgartorlugillo, nagligilugillo pijuksauvogut.

Perkojet 6 inget kannok illingava?

Innuartuksaungilatit.

Kannok tukkelik?

Gude sivuragijáksarivavut nagligilugolo, in-nukattivut idluiliorvigitsennago timingane, āner-nagolonēt; ikkajorlugole, serngnigilugolo timingāta illinganingita okumainarninginne tamaine, pijuksauvogut.

Perkojet 7 inget kannok illingava?

Nulliarēngnermik asseroijuksaungilatit.

Kannok tukkelik?

Gude sivuragijáksarivavut nagligilugolo, uvingub ikliguningit, illinganingillo innovigina-

git, okautsinnut, pinniarnernullonēt; nulliarēkle ingmikorlutik nagliktigektuksauvuk, opigijigēklutiglo.

Perkojet 8 inget kannok illingava?

Tigliktuksaungilatit.

Kannok tukkelik?

Gude sivuragijáksarivavut nagligilugolo, innukattipta pinginnik perkutinginniglonēt tiglikonnata, niorgutiksennullonēt tauktiksennullonēt piungitunnut nangminerijomavlugit uiverilugo pikonnata, tāmnaale ikkajorlugo perkutingit nerkiksangillo ākiksorlugit sapputilugo pijuksauvogut.

Perkojet 9 inget kannok illingava?

Innukattivit sæglofigilugit okartuksaungilatit.

Kannok tukkelik?

Gude sivuragijáksarivavut nagligilugolo innukattivut nellangaitomik sæglokitsennago, uivēritsenagolo, idluiluktomiglo terliatsennago; perkajauvogulle passitiksérutilugo, ajungitomiglo okautigilugo, illinganingillo tamaita ākigasuarlugit idluarnerpāngojomut.

Perkojet 10 inget kannok illingava?

Innukattivit iglunganik pijomajuksaungilatit. Innukattivit nullianganik, kivganganiglo angumik, kivganganiglo arnamik, tuktuvākotinganiglo siutekōktōjokotinganiglo, sunatuinarniglonēt innukattivit perkutinginnik pijomajuksaungilatit.

Kannok tukkelik?

Gude sivuragijáksarivavut nagligolugolo, in-

nukattipta kingormgutijáksangit iglungalonët pingitserternermut, idluarasuginermullonët, okautsinermut nangminerijomavlugit pinnasuarkonnata. Innukattipta nullianganik, kivganganiglonët, nergjutekotinginniglonët pejaikonnata, arктаikonnatalo, aularkojikonnatalo; perkojauvogulle tapkoa kaiblarlugit aularkonnagit, pinniarkovlugillo perkojaunermingnik.

Perkojet tamakko tamaita pitjutigællugit kannok tagva Gude okarka?

Imäk okarpok: Uvanga Nalegauvunga Gudit, pitsartudlarlunga illungertudlarlungalo Gudeovunga, uvannik omisuktut pivlugit, tapkoa atätangita idluitulliningit pitlarpakka, ernerët kingorlingita pingajungit, sittamangillo tikkilugit; uvamnigle opigosuktut, perkojamniglo naletsiaartut ajungitullivigivakka, ernerët kingorlingit tausendit likkilugit.

Kannok tukkelik?

Gude sillukpok perkojennik tamakkonina tappatōjut illunaita sugiarlugit, taimaimát tapsoma ningausinga siyuragijáksarivavut, perkojello tamakkoa tappaginagit. Gudible saimanermik, ajungitunniglo tamainik, tapsoma perkojanginnik naletsiaartut illunaita angervigivait. Taimaimát tamna nagligijáksarivavut tettigilugolo, perkojangillo mallitsiaromadlarlugit.

Ahāk Israele, Nalegak Gudivut Gudetōvok. Gudingnik Nalegarnik nagliktuksanvotit omattingnut tamānut, tarningnullo tamānut, issumangnullo tamainut. Tamna pijariakarnerōjok perkojennit tamainit. Mark. 12, 29, 30.

Aipanga tapsotunak ipok: Innukattingnik illiktut nagliktuksauvotit. Assianik anginerōjomik perkojakangilak ukkungnangāt. Perkojangnut ukkungnunga maggungnut perkojet illunatik illagēkput, nellautaijullo aglangit. Matth. 22, 39. 40.

Jesuse okartok: Perkojaktāmik tunnitsivigivapse, nagliktigēkovluse, sorlo nagligilaurapse, nagliktigēlerkovluse. Tamattomunga illunatik illitarksiniarput illiniartigigapse, nagliktigēkupse. Joh. 13, 34. 35.

Gudib perkojanga tamadsa, erningāta Jesusib Kristusib attinganut okperkovluta, nagliktigēkovlutalo. 1. Joh. 3, 23.

Okpertok baptitaujorlo piulijaujomāpok, okpingitorle erkartortaujomāpok. Mark. 16, 16.

Ajochertūtsit,

pijarialiksuit aipangit.

Okpørnerub kiglgiudsininganik.

Kiglgiudsinek sivorlek sumik okautsiva?

Pingortitsinermik.

Kannok piva?

Okperpunga Gudemut Atātamut ajugakangitomot pingortitsijomut killangmik nunamiglo.

Kannok tukkelik?

Okperpunga Gudib pingortimanga, omajullo tamaita. Timimniglo tarnimniglo ijimniglo, siutimniglo, avatimniglo tamainik, issumamniglo

tapsoma tunnitsivigilaungmanga sapputilugillo sulle tamakkoa. Taimaktauk annoraksamniglo, nerkiksamniglo, immiksamniglo, innuniarviksamniglo, nulliamniglo, kittorngamniglo piksamniglo tamainik timimnut inosimnullo namaktomik atoriakartamnik uvlut tamaita piksarsiorpānga, nangiarnartunnillo tamainit sapputivānga, idluitunnillo tamainit udsertorlunga pařrivānga. Taimak Atātauvlune Gudeovlunelo ajunginermut naphigosungnerminullo tamakkoninga tamainik pivānga, nellopkotinermut pijāksautinnangalo. Pivlugit tagva kujagidlarlugo, nakorilugolo, kivgarlorlugolo, naleklugolo pijuksauvunga. Ahamarik miksekārpok tagva.

Kigliudsiniub aipanga sumik okautsiva?

Piulijaunermik.

Kannok piva?

Okperpunga Jesuse Kristusemut. Gudib er-netuanganut Nalegaptinut, Annernermit ajunginermut pijomut, uigasungmit Mariamit erniangojomut. Pontius Pilatus attanniotillugo āniati-
taujok, senningajolingmut kikkiektortaujok, tokkovlunelo illijartortaujok. Anernermigul ajocher-tuijartortok annernernik parngnanēsimavingmē-tunnik. Uvluk pingajuangne tokkungajunnit mak-
kitok. Killalliarlunelo, Gudib Atātab ajugakangitub tallerplane iksivajok. Tagvangāt tikkitsomārivok innojullo tokkungajullo erkartoriartorlugit.

Kannok tukkelik?

Okperpunga, Jesuse Kristuse miksekārtovlune Gudeojok, Atātamit erniangomajok issokangito-

mit, miksekärtomiktauk innujok, uigasungmit Mariamit erniangovlune. Nalegarigapko, uvamnük assiojuksaujunga pitlaráksaularmalo innujunga piuliklertok ajortunnit tamainit, tokkomillo, Sattanásiblo pitsartuninganit, Goldemut Silberemulonēt pinane, aungminulle ajungitomut arlingnartomut, āniaminullo passijaksaungitomut tokkominullo, perkutigijomagaminga, nalegavinganelo naleklugo innoniarkovlunga, kivgartorlugolo idluarnerme passijæksaunginermelo pilloringnermelo naksaungitome, sorlo tokkungajunnit makkimát, innovlunelo Nalegaungmát issokarniængitomut. Ahamarik tamana miksekärtōvok.

Kigligiudsinik pingajuet sumik okautsiva?

Ivsornailinermik.

Kannok piva?

Okperpunga Anernermut ajunginermut, okpertuniglo illagēktokartunnik ivsornaitisimajunnik; ajortunnit issumagijaujungnainermik; timillo makkitsomārninganik, innōtsemiglo issokarniængitomik.

Kannok tukkelik?

Okperpunga, issumamniglonēt pitsartunimnullonēt Jesuse Kristusemut Nalekamnut okperlunga tikkilugolonēt ajocksarama. Annerneruble ajunginerub kaikovānga okautsinnut tussarner-tunnut, tunnergutiminullo kaumaksarpānga, okpernerme miksekärtome ivsornaitilungalo sokkosijuertilungalo pivānga; sorlo okpertutillunaita sillaksoarmetut kaikogingmagit, kattitilugillo, kaumaksarlugillo, ivsornaitilugillo Jesuse Kri-

stususemētsainartimagit okpernerme miksekār-
tome. Illagēnerme tagvane ajornikka, okpertullo
illunatik ajorningit uvlut tamaita namaktomik
issumagijungnaipait. Uvlullo naggatāne uvangalo
tokkungajullo illunaita tuppaktitsomärpätigut, Kri-
stusemēlo inōtsemik issokangitomik okpertut illu-
naita illagællugit tunitsivigijomärpānga. Ahama-
rik tamana miksekärtövok.

Jesuse Kristuse nunamut tikkipok ajortuggit
piulijomavlugit.

Tamanna miksekärtoksövok okausiolarmelo
akkitudlartomik ivlernartoksoarmiglo, Kristuse
Jesuse nunamut tikkimet ajortuggit piulijartor-
lugit. 1. Tim. 1, 15.

Innub Erninget tamarsimajut kenneriariartor-
lugillo pilloriktitsartorpait. Luc. 19, 10.

Mattomunga Gudib næglingninga uvaptingnut
sakkersimavok, Gudib Ernetuane tillilaungmago
nunamut, uvagut tapsomūna innōkovluta. 1.
Joh. 4, 9.

Sagialeritse uvamnut, tagva piulijaujomär-
pose, sillaksoarmiojose tamapse; uvanga Gude-
ogama, assimniglo Gudekangimāt. Jes. 45, 22.

Kristuse attausiardi lune āniatitaujok ajornivut
pivlugit, idluartok idluitut pivlugit, pititsomav-
luta Gudemut. 1. Petri 3, 18.

Tamna Kristuse idluitullilaungilak, uivērik-
lernermiglo kanningane naipitaulaungilak. Tap-
soma nangminek ajornivut limiminut pitipait ke-
jungme, 1. Petri 2, 22. 24.

Gude attausiõvok, attauseõgivok pijitsertok Gudemut innungnullo, tagva innuk Kristuse Jesusse, ingminik tunnillauktok piulijiksaujomavlune illunainut. 1. Tim. 2, 5. 6.

Gudib ungasingilätigut tamapta, tapsomane innõgapta aulavlutalo ipõgut. Ap. p. 17, 27. 28.

Tamaita piniarnisse, okarangapselonēt pinni-arangapselonēt, illunaita pinniarsigik Nelekab Jesusib attingane, kujaliluselo Gudemik Atätamik tapsomūna. Kol. 3, 17.

Jesusib attingane sērkut illunatik serkortortuksauvut nalengnermut killangmētullo nunamētullo, nunab attānētullo, okello illunatik nellonaijaijuksauvut Jesusse Kristusemik Nalegaujomik, Gudib Atātab nertornautānut. Filip. 2, 10. 11.

Ajochertūtsit

pijarialiksuit pingajuet.

Tuksiarutsit Atätamut killangmētomut, ubvalo Nalekab tuksiarninga.

Nālegak Gūd Atätavut killangmē! Attit nertortaule. Nālegaunīt kailaule. Pijomajat piniartaule, nuname sorlo killangme. Uvlome piksaptینگnik tunnitsivigitigut. Idluiniyut issumagijungnāerkit, sorlo uvagut idluītullivigijivut issumagijungnāērvigigaptigik. Oktortaulungnermut pitinata. Piulitigulle ajortomit. Nālegaunek, pitsartūnerlo ānanaunerlo pigigangne issokangitomot. Amen.

Tuksiarutsit tapkoa pigiarningát kannok piva?

Nalegak Gūd Atātavut killangme.

Kannok tukkelik?

Gūdib tamattomunga kajungertitsomavätigut okperkovluta, tamna nellägörtomik Atātagigap-tigo, tapsomalo nellagörtomik kittorngaringmattigut, sivurajuiluta kettekarylutalo kollärnangitomik tuksiarkovluta tapsomunga, sorlo sorrutsit naglingnartut atātatik nagliklatik tuksiarvingimatsuk.

Tuksiarutsit sivurlingát kannok illingava?

Attit nertortaule.

Kannok tukkelik?

Gūdib attinga ingminik nertornaralloarpok, tuksiarutsimulle omunga tuksiarpogut, tamna uvaptingnētauk nertortaukovlugo.

Kannok tamana piva?

Nanelonēt Gudib okausinginnik nellagörtomik tammarangitomiglo ajochertuiviksakartonē, uvagullotauk Gūdib kittorngangititut malliklugit inōgupta; taimailiörkovluta Atātab killangmetub ikkajorlittigut! Tamakkoale assinginnik ajoche-tuijok, innogutiksakartorlo, Gūdib okausingita ajochertusingit kamaginagit, taimaitub Gūdib attinga nertornarungnaitipa uvaptingne, taimaito-mille nagliktipti Atātapta killangmetub sapputi-littigut!

Tuksiarutsib aipanga kannok illingava?

Nalegaunīt kailaule.

Kannok tukkelik?

Güdib nalegauvinga kaigalloarpok ingminik, tuksiangikuptalonët, tuksiarutsimulle omunga tuksiarpogut kaikovlugotauk uvaptingnut.

Kannok tamanna piva?

Atätab killangmëtub Annernerminik heilige-
ojomik tunnitsivigikpattigut, okausinginik heilige-
nik saimarsautanut okperkovluta, innõsekarlutalo
Güdeojartomik, mäne nuname takpänelo isso-
kangitome.

Tuksiarutsik pingajuak kannok illingava?

Pijomajat pinniartaule nuname sorlo killangme.

Kannok tukkelik?

Güdib pijomajanga ajungitok saimanartolik-
soarlo pigalloarpok tuksiangikuptalonët, tuksi-
arutsimulle omunga tuksiarpogut, tapsoma pi-
jomajanga uvaptingnetauk pinniartaükovlugo.

Kannok tamanna piva?

Güdib kajusimanerit pijomanerillo idlunit
tamaita pëjarpagit agviarlugillo, Gudib attinganik
ivlersilungitut, nalegauvinganiglo kaikojjoman-
gitut uvaptingnut, imaitulle: Satanasib, okpingi-
tullo uviniptalo pijomajangit. Gudible pitsartu-
tipattigut aulaijungnangertilutalo okauserminik,
okperniptingniglo innõsipa näninga tikkilugo;
taimagle Güdib pijomajanga saimanartoliksoak
ajungitorlo illingavok.

Tuksiarutsit sittamangät kannok illingava?

Uvlome piksaptingnik tunnitsivigittigut.

Kannok tukkelik?

Gudib innuit idluituttauk nerritigalloarpait uvlut tamaita tuksianguptalonët; tuksiarutsimulle omunga tuksiarpogut tamattominga kaujütsikovlugo uvaptingnik, uvlut tamaitalo kujalinermut tiguserkovluta nerkiksaptingnik.

Nerkiksavut piksavullonët uvlut tamaita kannok tukkekartitáksarivittigik?

Tamaita timib nerrititauninganut ajoksar-ninganullo illingajut, imaitunnik: Nerrinermik, immernermiglo, annorangniglo, kamingniglo, iglomiglo, pinnasuarviksamiglo, perorsëvingmiglo, nergjutinniglo, akkiksenniglo, perkutin-
niglo, aiparmiglo okpertomik, kittorngenniglo okpertunnik, kivgenniglo okpertunnik, angajo-
kajenniglo okpertunnik nertornartunniglo, aulat-
sijomiglo idluartomik, sillakidlarnermiglo, ulla-
pirsaumiglo, kannoëngitsiarnermiglo, nalekoji-
jomiglo, opigijaunartomiglo, illanäkartunniglo idluartunnik, sillalekartuniglo nertornartunnik, tamakkoalo assinginnik tukkekarpit.

Tuksiarutsit tellimangát kannok illingava?

Idluinivut issumagijungnäerkit, sorlo uvagut idluitullivigijivut issumagijungnäervigigaptigik.

Kannok tukkelik?

Tuksiarutsimut omunga tuksiarpogut Atäta-
mut killangmëtomut, ajornivut issumagijaukon-
nagit, tamakkoalo pitjutigallugit tuksiarusek ta-
manna kippiluktaukonago, mikkijomiglonët nap-
kigijäksaunginapta tuksiarnivut pivlugit, ajungi-

tomiktauk pinatsenginapta; tapsomale näpkigo-sungnerminut tamainik tunnitsivigilitigut! Uvlut tamaita unnuktunnik idluitulligapta, pitlaráksaut-sainaraptalo, tagva omamut tamānut idluitullijut uvaptingnut issumagijungnäervigijomavavut, ajungitullivigijomalugillo.

Tuksiarutsit pingasojoet kannok illingava?
Õktortaulungnermut pitinata.

Kannok tukkelik?

Gude oktorlungigalloarpok kinamiglonēt, tuksiarutsimulle omunga tuksiarpogut, Gudemut sapputijaukovluta serngnigijaukovlutalo, Sata-nasemut okpingitunnullo, uviniptingnullo, terli-artaukonata, uiverijaukonatalo, okpinginermut, kēvinermullo assinginnullo makkojungnartoālungnut idluitoālungnullo illingakonnata. Tamak-konungalo tikkitaugalloarupta sēlagijaukonnata, sēlakārtotitulle illingakovluta.

Tuksiarutsit 7 ingát kannok illingava?
Piulitigulle ajortomit.

Kannok tukkelik?

Tuksiarutsimut omunga tuksiarpogut, sorlo tuksiarutsit tamaita kattilugit, Atātamut killang-metomut idluitunnit sunatuinarnit timemut tarne-mullo illingajunnit tamainit piulijaukovluta, kin-gorlerpāmiglo tokkoviksavut tikkilerpet, angerar-viksamik pilloringnartomik illangiutititaukovluta, napkijauvlutalo kiksarnartovingmit tamattomangát tapsomunga illālliortaukovluta killangme. Amen.

Tuksiarutsit tamakkoa sorairutiksangát kannok
illingava?

Nalegaunek, pitsartunerlo, ananaunerlo pi-
gigangne issokangitomot. Amen.

Amen, kannok tukkelik?

Kollártuksaunginama tuksiarutsit taimaitut.
Atatab kilangmētub idluaringmagit tussarlaitalo,
tapsoma nangminek taimak tuksiarkolaungmatti-
gut, angervigingmattigulio tussaromavluta .Amen,
Amen, imāk tukkelik: Ahaila, ahaila, taimak
illingalärpok illa.

Ilumnetsainarupse, okautsikkalo illupsingnet-
sainarpetta; tuksiarniarpose, pijomajapsingnik,
tunitsiviolarlapselo. Tamakkutigüna Atátaga
nertortauniarpok paungakarnialerupse unnuktun-
nik illiniarteolerluselo uvamnut. Sorlo Atátama
nagligingmanga, taimaktauk nagligivapse. Nag-
lingnimnetsainaritse. Perkojakka mallikupsigik
naglingnimnetsainarniarpose. Joh. 15, 7—10.

Atátamut aigama: Sumik tuksiarniarupse at-
timne, tamattominga piniaromavunga, Atáta ner-
tortaukovlugo Ernermigut. Joh. 14, 12. 13. 14.

Perkojamnik pilik, malliklugillo, tamnauvok
nagliktok uvamnik. Uvamnigle nagliktok, tamna
nagligijaunniarpok Atátamnut, uvangalo nagligi-
niarpara, nellojungnaitilugolo uvamnik. Joh.
14, 21.

Jesuse okarpok: Uvamnut okpertok, uvam-
nuinak okpingilak, tapsomungale tilliklertomot
uvamnik. Uvamniglo tautuktub, tamna tautukpa

tilliklertok uvamnik. Kaumajovlunga sillaksoarmut tamattomunga tikkipunga, uvamnut okper-tok taktomē-ērkonago. Joh. 12, 44—46.

Jesusib Kristusib Gudib Erningata aungáta ubvarpätigut ajortunnit tamainit. 1. Joh. 1, 7.

Assianik piulijiksakangilak, attekangilarlo assianik killaub attāne innungnut tunnijaujomik tapsomunga pilloriktitaukovlota. Jesusib attinganik kissianik. Ap. pin. 4, 12.

Tamanna pivlugo Kristuse lokkovlunelo makkinivok, amalo omardlune nalegaujomaylune tokkungajunnut innōjunnullo. Rom. 14, 9.

Ajochertülsit

pijarialiksuit sittamangát.

Baptijumik heiligemik.

Baptijut sunauva?

Baptijut imetuinaulungilak kissiane, imiovorle Gudib perkojanga illaliulugo. Gudiblo okausinginik illakarlune.

Nelliangovāt Gudib okausingit tamakkoa?

Nalegavut Kristuse okarmet Matthæusib aglangita nāningane: Aileritse sillaksoarmut illunnut, innukattigeksuillo tamaita ajochertorsigik, baptilugillo Atātab, Ernerublo, Annernerublo ajunginerub attingane.

Baptijut sumik kaitsivä sullivälo?

Sullivok issumagijaujuugnainermik ajortun-
nit, piuliklerporlo tokkomit Satanasemillo, kaitsi-
vorlo illunainut, tamattominga okpertunnut, pil-
loringnartovingmik nāniangitomik, sorlo Gudib
okausingit angersimaningillo okarmatta.

Nelliangovāt Gudib okausingit tamakkoa?

Nalegavut Kristuse Markusib aglangita nā-
ningane okarmet: Okpertok baptitaujorlo, piu-
lijaujomārpok, okpingitorlo erkartortaujomārpok.

Kannok immek taimaitomik angijoliksoarmik
sullijungnarka?

Immek pingitogalloak tammattominga. Gu-
dible okausingit immiub illagijangit pivut, ok-
pernerlo sungertutelik Gudib okausinginnik im-
miub illagijanginik. Gudib okausingit illagina-
git imek immetuinauvok baptijutaulungilarlo.
Gudible okausingit illagilugit baptijutauvok,
imaipok; immiovok innōselingmik saimanarto-
lingmik, ubvautiksaularmelo, nutāngonartomik
Annernerne ajunginerme, sorlo Ap. Pauluse
okārmet aglangmine Titusemut Kap. 3. me: Er-
niangupsarnerub ubvautānut, annernerublo ajun-
ginerub nutāngortitsininganut, tapsomina ko-
vērivātigit angijomik Jesuse Kristusekut piuli-
jptigit. Uvagut tapsoma saimarsautānut idlu-
arsijaulerkovluta kingormgujijuksaulutalo innōt-
semik naksangitomik. Ahamarik tamanna mik-
sekārtōvok.

Baptisinik tamanna immermut kannok tukkekarka?

Tukkeekarpok innutokäk illuptionētōk kaut tamāt kakkialernermut ipititaujuksaungmāt, tokkojuksaularmelo ajornerit ikligunerillo idlūtut illunaita illaliudlugit, amālo kaut tamat annilune makkijuksaungmāt innūktäk. innōjok sorairane idluarnerme ivsörnaiuermelo Gudib sāngane.

Nānē aglaksimava tamanna?

Ap. Pauluse Romiunut Kap. 6 me okarpok : Illijartortaukattigimavavut baptijutikut tokkomut, sorlo Kristuse lokkungajunnit tuppaktitaungmāt, Atātab ussornarninganut, taimaktauk uvagut innosertāme arvertarluksauvogut.

Ajochertutsit

pijarialiksuit tellimangāt.

Komunionemik heiligemik.

Kommunionē sunāuva?

Tamōdsa nellagortok Nalegapta Jesusib Kristusib timinga aungalo, tunnijaumajok kakkojakut Weinekullo uvaptingnut okpertunnut nerkiksaptingnut imiksaptingnullo, illijaumavorio Kristusemut nangminek.

Nānē aglaksimava tamanna?

Evangelistit Matthæus, Markus, Lucas, Ap. Pauluselo imäk aglakput: Nalegapta Jesusib Kristusib unuarne taipsomane pititaugame, kakkojak

liguva, kujalivlunelo avgorpa. illiniartiminullo tunniva okarlunelo: Tigulugo nerrissiuk, tagva timiga tunnijauniartok pivluse, taimailioritse erkaumajaunniksamnut. Taimaktauk ermgusiarsuk tigugiva nerrijarēramik, kujalivlunelo tapkonunga tamna tunniva okarlunelo: Illunase tagvangāt immeritse tagva auga, Testamentitab aunga, kovijauniartok illipse pivluse, unnuktullo pivlugit, ajornerit issumagijaujungnairutiksanginnut. Taimailioritse immilerangapsiuk erkaumajaunniksamnut

Nerrinek immernerlo tamattominga sumut
attornarka?

Tamattominga okautsit tamakkoa kaujitipātigut: Pivluse tunnijaumavok, kovijaularmelo ajornerit issumagijaujungnairutiksanginnut. Imaipok, Sakramenteme okautsinnut taimaitunnut tunnitsivioniarapta ajortunnit issumangnarungnaitomik, inōtsemiglo pilloringnartomiglo: issumangnarungnaitokartonele ajortunnit, tagvane innōsekarivok pilloringnartokalarmelo.

Kannōk nerrinek immernerlo kannekut taimaitomik
pijariliksōjomik sullijunguarka?

Nerrinerlo immernerlo pingitogalloak, okautsille illimajut: Pivluse tunnijaumavok kovijaularmelo ajornerit issumagijaujungnairutiksanginnut. Okautsit tamakkoa pijariakortonerpauvut nerrinerme immernerme kannekut Komunioneme. Okautsinniglo tamakkoninga okpertok, tamna pekarpok okautigijanginnik, tagva issumagijaujungnainermik ajortunnit.

Kina Sakramentemik ominga idluarsilune
pijungnarka?

Kallinekut äkigiarlune illusitsiariktogalloak,
tamnale kissime pijuksauvok, okpertok okaut-
sinnut makkonunga: Pivluse tuunijaumavok ko-
vijaularmelo ajornerit issumagijaujungnairulik-
sanginnut. Okautsinigle makkonunga okpingitok
kollärtorlonët, tamna nellopktivok, pijuksauna-
nelo; okausek: „pivluse“, pijomangmat omát-
tinnik okpertunnik kissënik.

Tuksiarutsit uvlakut.

Atātaga killangmetotit, kujagivagit Jesuse Kristusekut ernetuet. Nalegaptigut, unuak tamanna sapputigamga piungitomillo nangiarnartomillo. Tuksiarvigivagit ajornikkalo sinaunganikkalo tamaita pējarlugillo issumagijungnaikit. Uvlome-tauk ajortomut idluitomullonēt illingakonnanga sapputilaungminga, pinniarnikkalo innoseralo sāngne idluarkovlugit. Illunarma, timigalo tarnigalo illingnut perkovakka, atātagalo anānagalo illakkalo tamaita. Engelingnullo ajungitunnut udsertortaulaunga uiveriklertomut öktortaukonnanga. Amen.

Tuksiarutsit unugangat.

Atātaga killangmētotit kujagivagit Jesuse Kristusekut ernetuet Nalegaptigut, saimanermut uvlome sapputigamga. Tuksiarvigivagit ajornikkalo tamarnikkalo pējarlugillo issumagijungnaikit. Unnarlo tamanna najulaungminga, sapput-ilungalo ajortomut illingalerkonnanga. Timigalo tarnigalo illunarma illingnut tunnivunga. Engelingnut ajungitunnut udsertortaulaunga, uiveriklertomut öktortaukonnanga. Amen.

